

TKP AW

TKP THUTHIAM

Krista leh Kohhran tan :

*Ka chakna Isua krista chu ring tlatin
Nitin Pathian ka pâwl anga,
Kan Kohhran Pathian biakna leh
hnathawhnaah ka tel zêl ang.
Khawtlâng thatna leh inunauna
tinghet tûrin ka thawk anga,
Krista hnênah midangte hruai
ka tum tlat ang.*

TKP Dinchan**Thalaite hi:-**

1. Kristian tha tak ni tura buatsaih.
2. Krista leh Kohhran tana thawk tura buatsaih.
3. Khawtlâng tana mi tangkai ni tura fuih leh kaihhruai.
4. Pathian ram zau nana inhman tir.



Sunday Weekly

VOL No. XVI I Issue No. 17 Dt. 10 . 05. 2015 Sunday Unit TKP Chanchinbu

KHAWRUHLIAN PASTOR BIAL TLAWH REPORT

Upa F. Thasiama

Aizawl North Area Baptist Council hi May 2009 khan a ding a. BCM-ah hian kumina hawn thar nen ABC 14 kan awm a, Aizawl North ABC hi 13-na kan ni. Kohhran member 6,729+ te hi chhungkua 1,512, Tualchhung Kohhran 44 leh Pastor bial 6 te chu Aizawl North ABC ah kan awmkhawm hlawm a ni.

Kan ABC hi a din tirh phat atangin kan hruaitu ten thahnem ang ngai hle a, chuvangin Aizawl North ABC huam chhunga Pastor bial te tlawh chhuah programme hi an lo kal pui thin a, tun thlengin kan chhonzawm thei. Kum 2014 ABC Rorel chuan tun term a mite pawhin tlawhchhuak leh rawh se a ti a. Chumi ang chuan kan fehchhuak ve leh ta a ni.

Kum 2014-15 atan a hmasa berah Khawruhlian Bial tlawh ni se tih a ni a. Khawruhlian Bial rau rauah pawh Suangpuilawn, Lamhêrh, Vanbawng tlangdung lam tlawh ni se tih a ni.

Inrinni (May 2, 2015) khan Motor te pathum in kan thawk chhuak a. ABC Chairman Upa Rosanga Colney, Upa F. Aihnuna Chairman Elect, Secretary Upa B. Lalzarzova, Pastor Lianruaia, Pro Pastor Ramnghakmawia Hnamte, Pastor VL. Nithanga Khawruhlian leh Asst. Secretary Upa F. Thasiama te kan ni a. Pro Pastor Vanlalhruaia Chenkual Vanbawng a awm chu rin nghal a ni bawk.

Pro. Pastor Vanlalhruaia Chenkual, Pastor Lianruaia leh Upa B. Lalzarzova te Vanbawngah an awm a. Upa Rosanga Colney leh Pro. Pastor Ramnghakmawia Hnamte te Vanbawngah awmmun khuarin Lamhêrh an chang a. Upa F. Aihnuna, Pastor VL. Nithanga leh Upa F. Thasiama te Suangpuilawnah an awm bawk a ni.

Kan kal ni May 2, 2015 hi MBKHP Day a ni a. Suangpuilawn BKHP ten Day hman pahin min lo hmuak a. Chhangban tui takin min hrâi a. Party pumpui hi Vangbawngah kan tlang nghal vek a, Lamhêrh Kohhran ten chhangban bawkin min lo hmuak leh a. Vanbawngah pawh Kohhran hruaitu ten Pastor Quarter-ah min lo hmuak bawk a.

Kohhran mite danglam em emna chu vawikhat inhmuhnaah pawh in unauna a awm nghal thin hi a ni. Khawruhlian bial Kohhran mite nen kan han inhmu chu awmho fo tawh inggai em em inhmukhawm leh ang maiin kan him nghal em em a. Engmah venthawn awm lovin kan inpawh nghal zel a ni.

Khawruhlian Pastor bial chhunga Kohhran te hi an hraw lo hle a. Suangpuilawn-ah chhungkaw 8 leh member 40 vel an awm a, Lamhêrh-ah chhungkua 10 leh member 50+, Vanbawng-ah chhungkua 18 vel leh member 90+ an ni a. Sungpuilawn leh

(Phek 2-naah zawm a ni)

Kohhran

Tukin zing	: Upa Chiangzika
Zanin	: Upa Rohmingthanga
Nilaini zan	: Upa F. Rochhunga
Inrinni zan	: Upa P.S. Sanghluna
Pathianni leh zing	: Pro Pastor - Ramnghakmawia Hnamte
Pathianni leh zan	: Rbt. Thanglura Sailo

T K P Vawiin Fehchhuah Programme

A hmun	: Sunday School Hall
Hruaitu	: NI. R. Zaithanchhungi
Tantu	: Tv. Lalpekhmasaa
Lilamtu	: NI. Lalchhandami
Awareness	: MTKP & Unit Inkaihhruaina
Awareness Host	: Tv. F. Vanlalpekhlu
Thuchah tawi	: Pu C. Lalnunsanga

Junior Vawiin Fellowship 1:30pm

A hmun	: Sunday School Hall No. 2
Hruaitu	: NI. JS. Tharmawii
Tantu	: Tv. Lalrinmuana Fanai
Thawhlawm khawntu & hlantu	: NI. Lalrinchhani
Hla thlang tur	: Tv. Christopher F. Ngursangzuala NI. R. Lalbiakzuali
Bible chhiar	: NI. C. Lalruatdiki

BKHP**Thawhtanni zan Inkhawm (11.5.15 - 7:00pm)**

Hruaitu	: Pi Lalrawngbawli
Thawhlawm khawntu leh hlantu	: Pi Roluahpuii
Special Items	: Group No. 1
Thuzir hruaitu	: Pi Lalengzami
Zirlai	: 6-na

Pangpar khawi turte

Vawiin	: Pi Helen Lalmuanpuii & Pi Hmangaihliani
Karleh	: Pi Vanlalkhawngaihi & Pi Jenifer Zohmingliani

Tu leh fa pual tawngtai

A hun	: 15.05.2015
Hruaitu	: Pi Lalrinfeli

B M P**Vawiin Fellowship**

A hmun	: Pu J. Laltanpuia te In, Châltlâng
Hruaitu	: Pu PC. Lianzuala
Thuzir	: Zirlai 8-na

Report chhunzawmna

Vanbawng hian Assam Type Biak In te fel tak, thawl nuam taka inkhawm theihna ni lawi si an nei ve ve a; Lamhêrh hian an sa zo tep a, an Upa inah an inkhawm rih a. Inrinni zan atangin kan inkhawm nghal a, a ni khatna chu.

May 3, 2015 kha Pathian ni a ni a, zing nichhuak a eng nuam a, 'He lei Chawlhni I pek mah hi a thlen hunin kan lawm hle si' tih phu hliah hliah a ni. Kohhran chhungkua tlawhin kan vak chhuak nghal a. Kan kalna apiang ten min lawm hle a. Zirtir ten Isua hnenah 'tunah hian em ni Israel te hnenah ram I pek leh dawn' tih hmel pu ang lek lekin an lang thinin ka hria. Suangpuilawn ah In 400 vel an awm a, kan Kohhran chu chhungkaw 8 chauh an ni a. Hna an ngah hle mai!

Mahse, kan han inkhawm a lê - Kohhran khawhar tak tura kan ngai kha an lo ni hauh lo a. Kohhran hlim tak an ni tih kan hmu nghal a. A tlawhtute khawhar vang mai kha a lo ni dawn emaw ni? Member dam tha pangngai chu an inkhawm vek a. Zai pawh a nuam hle.

Inkhawm banah Sunde Skul kan kal a, inpawlhona kan nei zui a, zan lamah pawh chutiangan. Pathian kohna kan dawn dan te kan in share tawn a. Nun thuk tak tak nei chungah BCM a rawngbawl tura dahkhawm an lo ni tih kan hmu thei a. Inpawh leh inthlahlel leh inggai takin darkar 39 vel kan awm hova, Thawhtan zing khan hmun pui lam panin kan rawn haw leh ta a ni.

ABC programme a kan zin chhuak hi tawngtaisakna tam tak dawng chungin Pathian hruaina kan tēm nasa hle a. Lawmthu kan sawi a. Kal kawng leh a hmunah hlim takin kan awm a ni.

Kan kal lam leh haw lamah Khawruhlian Kohhran hruaitute leh Pastor nupuiin Pastor Quarter-ah ei tur min lo siam sak a. Kan Pastor chhungkua te nen pawh an bial tharah inhmuiin hlim takin chhang kan phel ho a, kan lawm tlang hle a, an chungah lawmthu kan sawi tak meuh a ni.

ABC rorel tihlawhtling tura kan chetchhuahnaah min tawngtaisaktu leh min hre rengtute chungah leh Pathian Engkimtitheia chungah kan lawm hle a, Lalpa chu fakin awm rawh se. Amen.

BCM BRIGADE BIAK IN HAWN PROGRAMME

A hun : May ni 10, 2015. 2:00pm
A hmun : BCM Brigade, Bawngkawn
Hruaitu : Rev. Lianruaia, Bialtu Pastor
Zaipawl : Area Baptist Choir & Bawngkawn Pastor Bial
Hawngtu : Rev. Dr. Laldinglana, Executive Secretary

Pawl sawm pahnih pass kan hriat chinte -

Lalhlimpuii :- Distinction. Letter in - Physics, Chemistry, Biology, Computer Science

Lalruatdiki :- Distinction - Letter in Mizo, Biology

Janet Lalmuanzuali :- First division

Jacob Ramngaihawma - Second division

C. Lalhriatpuia :- Second division

HD. Jordan :- Second division

Pawl sawm pass-ah Lalduhawmi c/o Pu B. Ruatfamkima kan hmaih palh a, ngaihdam kan dil e. 12 pass thar zawng zawngte Editorial Board ten kan lawmpui tak zet e.

Kohhran

✠ Kan bial K.N.P. Inkhawmpui chu nimin atang khan BCM Ramhlun North Biak Inah neih a ni a, zanin thleng a aw h ang. Inkhawmpui thupui hi 'Naupangte leh Tunlai Khawvel' tih a ni a, Speaker chu Lalhmingmawii Chawngthu a ni. Nimin khan intihsiaknate neiin zanin hian lawmman sem a ni ang. He hun atan hian kan unit KNP pawh an inbuatsaih nasa hle a ni.

✠ Wawiin chawhnu dar 2 hian Brigade Veng Biak In chu kan E.S. Rev. Laldinglana'n a hawng dawn.

✠ Kan kohhran member Pu Lalmazlova, Damna In, Durtlanga awm chu kan Kohhran Committee chuan Rs. 5,000/- in a tanpui. Ani hi tawngtaipui a ngai hle.

✠ BCM pumpui huapin tun thla ni 11-17 chhung hian Kristian Chhungkaw Hapta hman tur a ni. Kan kohhranah pawh in tinah zirlaibu pek kan ni a, inkhawm loh zana zir theuh tur a ni.

TKP

✠ Kan member Dr. C. Lalrindiki'n Kohhran Dan Puitlinga pasal a neihnaah TKP member engemawzatin kan tawiawm thei a, a lawmawm hle. Kan unit Inkaihhraina Danin a sawi angin Didiki hi Holy Bible leh thil dang present a ni a, unit hmingin thlalakpui a ni baw.

✠ Thawhtan zan TKP Inkhawmah khan kan bial TKP hruaitute min rawn inkhawmpui a, hetah hian kan unit Secretary-in unit report pe-in, bial hruaitute nen interrraction hun hlawkthlak tak kan hmang thei baw. Inkhawm kan tha a, banah thingpui inhona neih a ni. Tin, hemi zana KNP ten Worship Dance an rawn entir thei chuan lawm a hlawn hle a, an chungah TKP te kan lawm hle.

✠ TKP Room chahbi hi a kawltu, kan hruaitute hnen atangin thil pawimawhah laksak a tul thin a, chahbi kan hman hnu-a kan lak tur leh tihtur angte kan tihzawh hnuah chahbi hi a ranglamin i pe kir leh hram hram thin ang u.

✠ Kan Annual Plan-a awm anga SAY, Chaltlang Corps te Joint Fellowship neihpui tura kan sawmna chu a rem thei dawn ta a, a hun leh programme tur chu Joint OB meeting-in an rel ang. He programme hi June, 2015 chhunga neih tum a ni.

✠ Naktuk zan hi Executive Committee meeting hun a ni a, thurel tur pawimawh tak tak a awm a, committee member-te kan inhriattir a ni e.

✠ Tun thla ni 23 khian kan unit chuan kan bial Sports (Indoor Games) leh thisen pek runpui kan thleng dawn.

✠ Aizawl Area TKP Meet, August ni 23-a neih turah kan unit-in kan bial TKP kaltlana kan item neih theih tur 'Live Musical Drama' kan thehluh chu Coordination OB chuan an pawm tawh a, mahse Coordination Committee-ah an la ngaihtuah leh ang. Hruaitute tawngkam atang chuan kan item tur hi chiang tawhah a ngaih theih a ni.

✠ Dr. TC. Hmingthangi kal tlangin NHM atangin advertisment kan dawng a, Pi Te-i chungah leh NHM a thawktute chungah kan lawm tak zet a ni. TKP AW Issue khat hi Rs. 250 a sponsore thei reng a ni e.

✠ Kan member NI. Engthianghlimi pu Pu Zorinmawia, Lunglei Bazar veng chu Aizawl Civil Hospital-ah Ningani khan a boral a, a ruang hi Lungleiah lak phei niin, NI. Engtei te chhung pawn an zui phei a ni. Khawhar chhungte i tawngtaipui ang u.

TKP leh Kei (Part IX) TCZ

A ngaihnaawm ta zel em tih ka hre lo, Editor-in lo zia leh rawh a tih bak, a ngaihnaawm leh nawm loh *feedback* ka dawng tawh miah lo, mahse, *zo artui ka lo hip laklawh ve tawh sia!* Part X thleng tal ziah law law ka rilruk. Chu erawh chu a tlangkawmna a ni tawh dawn a ni. Chu mai bakah, sermon han ziah chuan min hmu *rau* deuh ri ai a, hetiang lam hawi thu puarpawng han ziah fo erawh chuan min hmu tisa mi tan dawn tlat!

Tun hma zawng kha chuan he thu ziaktu hi TKP-ah a lungawi mai thin. V Day a ni emaw, Khuangchawi thla, thla bial zan a ni emaw, TKP program a awm chuan a khua a har ngai lo. Mahse, Upa Thana'n awmze nei taka Sam 1:3 thu "*a hunte-a rah*" chungchang a sawi khum sek avang khan a awm a nuam lo tan hle a. TKP Inkhawm zana paper present-tu Upa S. Hminga'n Genesis 2:18 "*Mihring amah chauhva awm hi a tha lo ve*" tih thu a ngial a ngana a han chhiar khum siah hnu pheih kha chuan *mal nih inhriatna* tak tak kha a lo nei chho ta a ni. Lungawi taka mahnia mu lum thei thin khan mu lum zo lo tlatin a inhre ta a, mahnia chaw no khat leh a chanve mam pak pak thin kha a chaw ei a tui lo ve chawpchilh ringawt.

Kan thu chhiar lai mek nena inrem deuh mai thil dangah ka han pakai lawk teh ang. Kan Biak In hnuai Hotel leh Hostel siam kha ka rawt chak thin khawp mai a. Kan Kohhrana lawi, nula tlangval bakah nula leh tlangval ni chiah lo pawh, ringtu mal tlat, chaw eia sawm awlsam tak tak kha kan tam si a, Hotel leh Hostel kha han siam nâ ila chuan Kohhran sum hnar tha tak a nih dawn bakah Kohhran leh TKP program hrang hrangah kan thatpui khan ka ring thin khawp mai a. Mahse, kan ti lo zo ta-ah ka ngai. Tunah zawng Tv. Ruattluanga te, Tv. Matlana te pawhin han rawt teh reng pawh nise, bawp khawkerh chungin "*a tul hranpa emaw ni le*" kan ti ban châr châr tawh zawk ang chu! *Parawl life* ah kha zawng inpek vang ni hranpa hauh lo khan *chawnghei tawngtai* leh *fianrial tawngtai* hi chu kan nei zut mai a ni.

Nia, parawl leh nurawl tan chuan Kristian Chhungkaw Hapta te hi han hman belh chiam dan a awm chuang lo. "*Lal Tawngtaina*" pawh hi Biak Inah lo chuan, in lama mahnia ti ngang ngang chu an vang khawp ang. Hmanah kha chuan Biak Ina chhungkaw thut ho an tih lai velte khan ka buai ru thin alawm. Mahnia thut ai chuan tiin Keyboard kha ka chuh vat mai thin a, a zia khawp. Keyboard thutpui tur nei ve lo, eg., Tv. Siampaia, Tv. Ramdinsanga leh NIJ-i te kha chu an chan a chau thei khawp mai. Tum khat erawh, NI. Maneihi pa, Upa Lalphena, ropuina rama min kalsan ta khan a hun hnuhnung lam a ti nge, kan sunday zing inkhawmah khan inkhawm ban veleha Upa leh Rawngbawltute, an nupui theuhte nen thla a lakpui duh thu Secretary a han puantir thut mai kha chu midangte hriatpui si loh khan ka lai khawp mai! Han tel loh ngawt ka hreh ve si. Han tel ve dawn ila, nupa zela tel tur a ni bawk si! NI. Zamtei han pawt chawp ngawt dawn ila, min an khum zek ang em? NI. Makimi kha han

Column dinglamah chhunzawm a ni.

tlawmngai lawk teh ti ta ila, a khati zawng kher kha chuan a tlawmngaih duh ka ring si lo. Thlalak chung chauh daih nupui tur ka hmuh mai si loh avang khan a chhuah vang ni miah lovin in hnuai zun in lam ka pan ta ringawt. A then tan ho hle mah se, mahni chan a han nih chuan insit hi a na duh riau asin.

(Tun tum chu, Kohhran huang chhungah kan pen lut nawk nawk mai. A thupui nen pawh a inhmeh lo lek lek).

BIAL KNP INKHAWMPUI PROGRAMME

VAWIIN CHAWHMA (10:00 a.m - 12:30 p.m.)

Zaihona	:	10:00 - 10:30 a.m.
Hruaitu	:	P/P Ramnghakmawia Hnamte
Tanna	:	Pi Zonunsangi (Bawngkawn)
Thupuan	:	Secretary
Zaipawl	:	Lily Veng
Recitation	:	Esther Lalthazuali (Ramhlun 'N')
Group Zai	:	Chaltlang
Bible Changvawn	:	Unit zawng zawng
Worship Dance	:	Bawngkawn
Thuchah	:	Speaker

Thingpui in chawlh : 12:30 p.m. - 1:30 p.m.

VAWIIN CHAWHNU (1:30 p.m - 4:00 p.m.)

Zaihona	:	1:30 - 1:50 p.m.
Hruaitu	:	Rbt. K. Lalthanzauva (Chaltlang)
Zaipawl	:	Ramhlun North
Recitation	:	Malsawmsangkimi (Lily Veng)
Solo	:	Sarah Rothangpuii (Ramhlun 'N')
Group Zai	:	North Chaltlang
Zaihona	:	Thilpek lakkhawm
Recitation	:	Chaltlang
Worship Dance	:	Durtlang
Group Zai	:	Lily Veng
Thuchah	:	Speaker
Worship Dance	:	North Chaltlang

RUAI : 4:00 p.m. - 5:00 p.m.

ZANIN

Zaihona	:	5:30 - 6:00 p.m.
Hruaitu	:	Upa Lalfakzuala Khiangte
Tantu	:	Pi Lalramchuani (Lily Veng)
Zaipawl	:	Bawngkawn
Recitation	:	Darchawngkhuma(N. Chaltlang)
Duet	:	Chaltlang
Group Zai	:	Ramhlun North
Zaihona	:	Thilpek lakkhawm
Hla-KHB No. 319	:	Unit zawng zawng
Worship Dance	:	Chaltlang
Thuchah	:	Speaker
Lawmman sem	:	Bial hruaitute

☺ ENGE AN SAWI ☺

☺ Kan thiannu Didiki pasal neita chu lungleng viau mah ila tanlak kan ngaih ve tawh zia min hrilh thartu a ni. -- NI. Maruati Fanai & NI. Maria

☺ VCP Fanu nih tumin ka haw a, kut bengin ka lo lêt leh a nih hi ☺ -- TKP Queen

☺ "*TKP leh Kei*" hian kumin a daih ka lo ring a sin maw lê ... La tawp lo hram se âw... -- Editor

EMERGENCY A AMBULANCE MAMAWH TAN

A hnuaia Phone Number-ah hian koh thei reng a ni

24x7

102 (Toll Free)

Landline: 0389-2315662

Mobile: 9774333890, 8118912750, 8014015013



NATIONAL HEALTH MISSION : MIZORAM

Editor

R. Vanlalvena - Ph : 8575307339
email : tkpawchaltlang@gmail.com

Board members

Unit TKP Office Bearers

Cir. Managers

C. Lalnunsanga - Ph : 8014342960
B. Lalrinthara - Ph : 9862311446
Lalthasangzela Sailo - Ph : 8413944751

Web Masters

Zorempuia Chuauhang - Ph : 8794440139
Vanlalringa - Ph : 9436144792

Distributors

Lalnuntluangi Rokhum	-	14
Joseph Lianchungnunga	-	9
Melvin Lalremruata	-	8
C. Lalruatdika	-	15
Zohmingthansiami	-	11
C. Laldintluangi	-	7
Emily Laldintluangi	-	11
Vanlalnghaka Sailo	-	10
PS. Lawmsangzuala	-	8
PS. Lalnungrengi	-	11
Lalmalsawmi	-	8
Timothy Lalrinfela	-	11
Malsawmtluanga	-	7
Lianthunga Khenglawt	-	10
JH. Lalnuntluangi	-	7

Zing Tawngtai hruaitu tur te:

Tan hun : 5 : 30 am

Dt. 11 / 05 / 2015 (Mon) - Upa F. Thasiama
Dt. 12 / 05 / 2015 (Tue) - Pi C. Lalrampari
Dt. 13 / 05 / 2015 (Wed) - Pi T. Sangnguri
Dt. 14 / 05 / 2015 (Thu) - Rbt. T. Lalrinsanga
Dt. 15 / 05 / 2015 (Fri) - Pi Lalramsiami
Dt. 16 / 05 / 2015 (Sat) - Pi Lalhmunmawii
Dt. 17 / 05 / 2015 (Sun) - Rbt. Laldinmawia

Editorial

Inpumkhatna

Khawvel pumpui indo ti mai ila, first wold war hma daih khan Pathian chenna vanah ber khian indona a lo awm tawh a nih kha. A bul ber chu setana chapona vang ani ti ila a dik thei awm e. Engvangin nge inrem taka khawsa ho kha an indo tih zawhna awm ta se, setana vangin an '*Inpumkhatna a chhia*', tih hi chhanna mawl tak, dik si a ni.

Kohhran leh a hnuaia department leh FOD hrang hrang te hi inpumkhat taka kan kal chuan Pathian tanpuinain chak takin hma kan la thin a ni.

Hei hi kan hmelm pa diabawla hian a hre reng a, kan inrem lohna turin kawng hrang hrangin hna a rawn thawk thin a ni.

Kan hmelm pa diabawla hnathawh kan hriat chian loh a, rawngbawlpuite kan do mai chuan setana van atanga paih thlak a nih ang khan paih thlak kan awm ve thei a ni tih hriain, ***Inpumkhatna*** tichhe thei sual hnathawhna hrang hrang lakah i in veng fimkhur ang u.

